

PLOANIA DA SAN MARTIN

Düc é bel invia ala **prozesciun cun löms** do le tru de meditaziun en dedolönesc, ai 5 d'otober, a ringrazié che nosc caplan siur Ojöp da Oies é gnü detlaré sant (1975).

La ploania da San Martin tēgn la **Festa di Maridá lubilars** en domēnia, ai 10/10. Düc chi che é 10, 15, 20, 25, 30, 35, 40, 45, 50, 55, 60 agn maridá é bel invia.

La Uniun dles Patrones mēt a jī tl Istitut Ladin l'ater lönesc y dedolönesc, ai 11 y ai 12 d'otober, dales 19.30 ales 22.00 n curs da **decoré ciandēres** por de vigni sort de ocapiuns cun Pia Pedevilla. Entrada ma cun Green Pass y nia plü de 16 partezipanc. Prenotesse por telefon 339 82 25 275 (Paola).

La Uniun dles Patrones da San Martin mēt a jī tl Istitut Ladin ai 22 d'otober dales 15.00 ales 19.00 n **curs de pröm aiüt** cun la Crusc Blancia da Balsan. Entrada ma cun Green Pass y nia plü de 16 partezipanc. Prenotesse 389 08 34 252.

PLOANIA DA LUNGIARÜ

Cina ai 15 d'otober él a Lungiarü deplü **strades de comun stlütēs** por asfalc. Tla plata internet dl comun él l'ordinanza nr. 38/2021 de stlütä dles strades.

La Uniun dles Ēres mēt a jī n **curs de yoga cun Sara Moling** tla palestra da Lungiarü. Al vēgn tigni 6 iadi de lönesc (04/10, 11/10, 18/10, 08/11, 15/11, 22.11). Le cost é de 72 € porom. Prenotesse pro Sara al numer 348 56 45 102 .

I Seniors/les Seniores da Lungiarü é bel invia/ades da gni a chidlé en vëndres, ai 15 d'otober, dales 14.00, a Al Plan tla ostaría "Waldrüh" (Roncac). Prenotesse pro la Renate 342 32 79 406 cina en domēnia, 10 d'otober. Por tó pert ól ester le "pass vërt" o le zertificat de n test nia plü vedl co 48 ores y avēi la mascherina. Por ne jī nia düc cun so auto periunse da se mēte adöm tan ch'ara va; porchēl s'incuntunse dales 13.30 sön plaza dlungia le hotel Sanvì.

É le smartphone de prigo por nüsc mituns? Insegnanc, geniturs y interessá é invia al referat "Lo smartphone può diventare pericoloso per i nostri figli? ", tres Zoom, en jöbia, ai 7 d'otober, dales 19.30, cun Manuel Oberkalmsteiner dl Forum Prevenziun. Por tó pert pón chirí sō le link <https://zoom.us/j/96417560690>. Le referat por talian fej pert dl proiet "Sterisc tres la vita" (org.: Sorvisc ai Jogn cun Educadēssa sozjala dles scores, Nēus Jēuni Gherdēina y Scores Altes La Ila.

Döt le bun a chi che complësc i agn d'otober

San Martin: Fonjo Pedevilla che nen complësc 80 ai 15
Anna Mairunteregger Moling che nen complësc 90 ai 18
Giovanni Trebo (Tistler) che nen complësc 90 ai 21
Hilda Sottara Clara che nen complësc 80 ai 22
Giovanni Planatscher che nen complësc 82 ai 24
Frida Craffonara Videsott nen complësc 82 ai 29
Martin Rives che nen complësc 87 ai 29

Lungiarü: Angela Peccei Liotto che nen complësc 84 ai 31



Plata dles Ploanies San Martin y Lungiarü

ploan Klaus Sottas 344 15 54 055 - klsottas@rolmail.net
siur curat Heinrich Perathoner 339 65 74 213
redaziun anton.gasser@rolmail.net - 348 27 44 517 / 0474 523 194

www.valbadiaonline.it/comunita

03.10. - 10.10.21 nr. 45

ultimo termo por comunicaziuns: jöbia, dales 20.00

27ª DOMÈNIA IA POR L'ANN B

Vangele do Merch 10, 2-16

A cíasa l'à i discepui ciamò n iade damanè de chësc.

Al ti à respognü: Chël che desgorj süa fomena y nen marida n'atra, rump le matrimone cun süa fomena.

Incé na ëra rump le matrimone, sc'ara desgorj so om y nen marida n ater.

Dailò ti àn condüt pomez mituns, ch'al ti metess sō les mans.

I discepui indere parâ demez la jënt.

Canche Gejù â odü chësc, s'al lascè

sō y ti à dit: Lascede gnì da mè i mituns;

no ti al impide! Deache de chi,

che é sciöche chisc, é le règn de Dî.

Amen, chël ves diji: Chël che ne tol

nia sō le règn de Dî sciöche n môt,

chël ne röia nia ite.

Y al à tut i mituns te sü brac;

spo ti àl metü sō les mans y i à benedi



Gejù ne se tira nia sotfora y ti respogn ales domandes desfidētes di farisés.

Mo canch'al vëiga che sū discepui stēnta ince da le capí, se lascel sō,

y al oj le dialogh cun ēi te n iade te n ater vers.

Gejù s'oj pomez ai mituns, al plü prezius che la jënt á.

Y al mēt i mituns, che é la speranza via dl'umanité, en relaziun cun le règn de Dî.

Al i mēt amesa le règn de Dî y nes dá insciö da capí de ci ch'ara vá pordërt.

Le matrimone y la fedelté é y resta importanc y preziusc.

I ó ester reconescēnt che Gejù me mostra insciö dimenjiuns nöies.

Datrai á ince iö debojëgn de gní comedé y de gní metü apost,

por ester bun da odēi damí, plü gran y plü inant. (Image)

EDEMA	SAN MARTIN	LUNGIARÜ	 Chësc é le seminarist jonn che stüdia tl Seminar a Porsenü Ditrick Titus Makali dla Diozeja Sumbawanga Tansania che sará da mez otober inant vigni secunda fin dl'edema tla Val Badia. Al m'acompagnará tles ploanies olach'i zelebrará la Santa Mëssa. Cun n bel salüt - <i>osc ploan, siur Klaus</i> I periun por i Mituns dla Pröma Comuniun Gejú Crist, i te periun por i mituns de nosta ploania che vá ala pröma comuniun. Ai vëgn da te y oress sintí plü sot tua amizizia. Insciö te periunse, deuri so cör ala gran scincunda che t'os ti fã. Mëti dant te süa vita de bi ejëmpli y mostri tröp de bëgn. Scinchi ligrëza a sües families y a nosta ploania da i acompagné tla oraziun y da ti mostré che tö es amesa nosta comunità cristiana. Bun Gejú, renforza ti mituns tres indô le dejier do te. Fã ch'ai s'inconfortes da t'incunté, sciöche Zacheus se dejidrâ da t'odëi. Deuri so cör, che te pois storje pro da d'ëi, tigní past impara y i implí deplëgn. Láscesse ince nos aldí to invit da gní cun nüsce mituns pomez a tua mësa y da tó pert a to past de ligrëza. Dëidesse da s'orëi bun un cun l'ater che te pois gní y ester vi te nos.
03.10.21 27^a DOMËNIA - ann B Segra dl Rosare	Festa dla Pröma Comuniun 9.30 Ingres dala scora Mëssa da festa por la Comunità <i>La dlijia é rësservada ai parënc</i> <i>50 á lerch dl salf dl Istitut Ladin</i> 14.00 Bato de Zeno Cernigliaro (de Marco C. y Verena Wieser)	7.55 Corona 8.15 Gran Mëssa por la comunità 15.00 Corona tla capela de S. Ojöp da Oies	
04.10.21 Lönesc <i>San Francësch d'Assisi</i>			
05.10.21 Dedolönesc <i>Faustina Kowalska</i>	19.00 Prozesciun cun löms <i>do le tru de meditaziun por rengrazié</i> <i>che siur Ojöp da Oies é gnü detlaré sant</i> Mëssa en onú de S. Ojöp da Oies + Ida Dejaco fam. Valota - Machina		
06.10.21 Dedemesaledema <i>Bruno, Renato</i>	18.00 Corona d'otober	7.30 Mëssa por fam. de Giovanni y Hannele Chiusura dedô Corona d'otober	
07.10.21 Jöbia <i>Santa Maria dl Rosare, Iustina</i>	7.30 Mëssa + Franz Pedevilla dal Puster (La Pli) vis y def. fam, Purgl Dapunt Clara Corona por Vocaziuns		
08.10.21 Vëndres <i>Scimun, Laurënzia</i>	18.30 Adoraziun chîta 19.00 Adoraziun deboriada	7.30 Mëssa dl ann + Nisio Clara, Paur	
09.10.21 Sabeda <i>Dionise, Denis, Sibila</i>	20.00 Mëssa prefestia (cun siur Klaus) por i nüc Judith Verginer y Michael Clara dl ann + Maria Pedevilla + Albert Trebo + Paula Parazza Pedevilla	18.30 Mëssa prefestia (cun siur Klaus) + Emma Pezzei, Pezzei + Iarone Rungger	
10.10.21 28^a DOMËNIA - ann B	Festa di maridá iubilars 9.00 Corona por vocaziuns 9.30 Gran Mëssa dla Comunità por i maridá iubilars dl ann + Maria Unterweger dl ann + Elena Rubatscher Zingerle	Segra – aniversar consagraziun dla dlijia 7.55 Corona 8.15 Mëssa da festa por la comunità 15.00 Corona tla capela de S. Ojöp da Oies	